



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

xvii. De raptoribus.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

Quod si scierit eam deliquisse, quæ tamen ^{3. Si vir.} non pœnituerit, sed in fornicatione manserit, & vixerit cum ea: eius peccati reus esto. Sin ea pœnituerit, & reuerti volet: is eam aliquotiens, at non sæpe, recipito.

Si tamen mulier viri restitutionem petet, & ^{6. Intelleximus.} is de adulterio excipiet: nisi adulteratus fuerit, ^{7. Tua.} eam recipere ne cogitor. Nã si adulteratus erit: paria delicta compensatione tolluntur.

Ad solam autem mulieris cõfessionem si cum ^{5. Significasti.} sacerdote adulteratum adferentis sacerdos ne punitur. Sanè infamato purgatio indicitor. hanc si debite præstabit: absoluitur. sin deficiet: ab officio suspenditor.

Et stupro.

QVI virginem stuprauit is eam vxorem ha- ^{2. Peruenit.} beto. Alioquin si renuet: corporaliter castigatus, & excommunicatus in monasterium, in quo pœniteat, retrudito.

Nedum autem vxorem habeto, sed & dota- ^{1. Si seduxerit.} to. quod si pater eam olli nubtui conlocare nolet: nihilominus dotato. dos, iuxta modum, quem virgines accipere consuerunt, constituitur.

De Raptoribus. Tit. 17.

QUID si quis puellam rapserit? Certè si ^{7. Accedens.} reconciliati erunt, & legitime persone fient: insimul contrahuntur.

Quod si faxint, & matrimonium consum- ^{6. Cũ causa. 7. De iure. 8. Præterea.} matum erit: iam alteri sine alterius adsensu mo-

nasterium ingredi, aliterve continentiam profiteri ne liceto.

6. In prin Raptus autem ita demum, si nihil ante de nubtiis actum erit, adpellator. Vnde qui mulieris ad sensum habesit, & prius quàm cognoverit, desponsasit, licet parentes puellæ reclamarent, raptor ne dicitur.

4. In archiepiscopatu. Cæterùm de raptu virginum, puerorùmve abusu, & occisione prælatus ex delegatione principis etiam contra infideles cognoscere valeto. hos multato, flagellato, at flagella in vindictam sanguinis transire ne videantur. Sin grauior excessus erit, vt mortem, membrorùmve truncationem desideret: reum ad principem remitto, amandato.

3. Excommunicationi. Qui autem Christianos iusta de causa nauigantes capere, aut rebus spoliare præsumpsint, excommunicantur. qui eosdem naufragium facientes spoliabunt, ni ablata restituent, excommunicati sunt.

1. De illis. Sed & qui locum aliquem pertranseunt in eo rapinas admittunt, ab illius loci prælato excommunicantur. antequam factum emendassint parochia illa ne exeunt. excommunicatio episcopo proprio nunciatur. is, antequam eò redierint, & satisfaxint, eos ne recipito.

2. Super eo Qui verò in violenta rapina, seu violatione ecclesiarum manifestè deprehensus erit, ei in vita, mortève (ni prius ablata restituat si poterit, vel de restituendo caueat) pœnitentia negator. Sed & si inter viuos satisfacere aut satisfacere, cum posset, noluit, in morte autem vult, cum